



散壇夜隨方讀文訖弟子持文香煙上法
師叩齒十二通呪曰

無上至尊 大聖高尊 布化運炁 三十二天
八會九光 自然成文 安鎮天地 保制劫年
元始符命 普告三元 下勅九地 上關諸天
中告海嶽 名山大川 今日上告 萬神咸聞
修齋行道 拔度幽魂 三官九署 削滅罪根
永度三途 五苦之源 世世受福 記名丹篇
神生天堂 鍊化自然 生死關度 億劫長存
九天告命 風火驛傳

允中恭惟元始天尊啓真機於劫運之先
開靈圖於天地之始赤書玉字敷落五篇
肇育乾坤主張造化因時而降世應運以
流行故上可以調正天經協平炁候中可
以綏導邦國保鎮帝王下至學士求仙入
道則驅滅魔試成就善功以之安鎮方隅
則壇場淨肅投之山川河嶽則削罪記仙

此乃玉訣中之元科上經中之本旨及夫
齋法既興之後則以五書鎮壇而修齋立
事功成事畢則投簡山川土府願其紀勳
齋功削除過籍黃籙之投三簡蓋本諸此
近世妄人更不考究源流乃多撰造符文
書之簡背或又分時節而改易其符不經
甚矣豈知五篇之妙靈書之功可以離合
而用無所不獲無所不度也況赤書玉字
合居靈寶大法之篇首至於齋科之中編
入者庶俾行齋之士將知安鎮之儀投簡
之式實本諸此固不宜隨俗撰符以妄用
也若夫散齋投簡則全屬齋科詳見投龍
送簡品矣散壇告簡投龍三呪宜熟味之
其可用他符於簡後耶

上清靈寶大法卷之十八

上清靈寶大法卷之十九

彩一

登齋科範品

洞玄靈寶法部南曹經法典者雜書部齋齋科卷編

古者行持之士德行克於內精誠動於中
立壇以朝奏為先行事以精思為首故自
投詞告齋之後次則陞壇按科而行及至
今世之威儀率繁於古人之典式然諸方
襲行既久難於一旦除之惟其所增多是
請祝之詞若不大造經誥者非可盡去但
世之所用者頗無倫序或行正一法籙科
品之格或兼用諸家雜法之辭道眾欲備
用於一時未免兼收而並錄不知源流既
殊指辭亦異况高功之啓白尤宜深切於
事情九中所編洞玄靈寶本科實難泛取
而混用緣廣成先生編集止於齋科而已
啓祝之辭奏告之語舊典不載故今從本
法之旨重行修述一宗闡告之文非敢以
此而自眩蓋欲不舛洞玄之科條爾不行
此法之士或取而用諸他派大覺違失本
意亦猶此法中不可雜他書而並用也

發奏儀

先立玄中大法師正一天師位若已舒六
幕則就玄師前將所發文機悉用淨箱盛
置列于師前高功齋官各上香設拜次高
功長跪致詞請牒此式諸方多獨温台二

郡不用之居其所者自從習俗此書乃通
行之文不專為一隅設也祝香
如式

具位其恭謹焚香再拜上啓

玄中大法師三天扶教輔元大法天師正一

靜應真君靈寶經師真君靈寶籍師真君靈

寶度師真君仗此真香敬伸供養者乃玉華

散景九炁凝烟香雲密羅徑街九天當願侍

香金童傳言玉女傳臣啓奏上聞

帝前令臣所啓咸乞如言臣聞混元未肇潛

一炁以凝真五太爰分發三乘而立教道由

教而乃顯教非師而莫傳况齋法之有儀實

師尊之上隸伏念臣久叨玄蔭謬忝真班應

有來詞理難寢抑臣先據某入投詞乞就某

處闡建

無上黃籙大齋上賓邦國下福群生普度幽

既廣恩冥漢回茲善果薦拔亡故某魂超生
陽境以致三塗息役六趣咸休臣謹祗率法
流同備齋直盟天告地按格行科願惟木學
之塵微難俾齋誠之通達欲祈天監須仗師
恩恭惟靈寶五師真君學洞顯幽功齋造化

分形下教弘正道以接人立願康時出玄科
而濟物凡崇善果仰屬真師應有請祈俱由
省錄况今典儀將肅齋事屆期敢憑申奏之

文移用告陰陽之主宰上聞齋悃普達哀衷

恭望曲賜矜憐俯垂憫念特頒真告告下玄

曹差降法錄合屬將兵勅遣傳奏應于神吏

齋持文檄導達悃忱歷啓萬真號今不逮於

頃刻遍聞三界感通待報於斯須所有奏申

合行闕遺即祈真旨俾遂凡忱臣子冒

師嚴下情無任不勝惶懼祈恩激切之至謹

言

道衆同捧所發文字華夏引至功曹位所

列文字于前知聲舉法事道衆一員吟香

偈諸方有不用
處隨常例

次吟水偈誦

高功變神步罡符召將諸方皆用表白
宜三獻白文於召將之後三獻畢高功發
遣或有高功自宜白文者各隨其俗召將
畢祝白

初獻酒

伏聞三炁資始混茫於龍漢之初三號爰分
昭煥於赤明之後陶鎔清濁肇毓坎離慈周

法界而劫劫度人德被遐荒而方方設教闡

三乘之妙典列四輔之冲科慶襲顯幽澤均

今古是以三清十極悉當按格以牒詞三界

十方可以依儀而移檄於是備關申之職列

傳奏之司嚴道法之紀網達士民之懇禱事

當敷告今具啓聞本司今據入意以今專錄

來詞敬行闕發功曹使者傳奏吏兵土地眾

神里域主宰任當受事職在宣傳既厚臨壇

用伸初獻齋官上香拜
舉散花一首

亞獻酒

伏聞道廣運以無私天不言而善應雖精神

之可格非賤賸以難通况三洞赤書啓萬途

而濟世十方正典弘衆法以度人既有司存

合嚴科式今列文移而將發幸茲神馭以求
臨畧備非儀用摠至悃物則甚陋心惟克誠
神其領之敬伸亞獻

三獻酒

伏聞飛雲走馭駕景乘空示現靡當感靈素
著升騰雲漢上徹於寥陽出入幽冥遍馳於
陰境傳上玄之命今達人世之請祈符檄藉
之宣迪表狀資於闡奏十方允賴三界依憑
輔天翊教而效專懃導敬達誠以昭勳績職
惟至要禮則宜虔終厥彝科以陳三獻

白文

伏以天之高也可以誠通神之幽矣乃容心
感故天人之相際雖幽顯以何殊一念既精
萬真垂監惟開申之將徹恐神馭之難稽薦
獻已終文移合發遣造關牒謹用宣呈

宣關牒 宣錢馬狀

上來公文已行宣示即請騰雲叱馭整饬淨
空金闕玉房通信誠於頃刻神庭幽府達文
檄於須臾九天大地之真司三界萬方之主
宰高極太空之上俯窮無底之中隨所詣而

齋傳按闢大雨迥發母延時刻火急奉行急
去速來立待報應

知磬舉向來

向來發奏功德上資邦國普及顯幽同賴善
功證無上道一切信禮

表白回向

發奏功德無限良因專為開建大齋奏陳誠
悃伏願萬真垂監列聖流光齋直無魔善功
成就為上因緣念十方靈寶天尊不可思議
功德發奏事畢
衆官復位

告符命儀衆官於道場內
上帝前序立

知磬舉天尊號高功出班
上香跪奏

臣聞因辭達悃託物寓誠假茲清靜之香仰
徹虛無之境道香德香無為香無為清淨香
清淨自然香妙洞真香靈寶慧香超三界香
三境真香以今焚香奏啓

虛無自然元始天尊上清真境洞玄靈寶天
尊太清仙境洞神道德天尊昊天玉皇上帝
紫微北極大帝紫微天皇大帝東極青宮太
乙救苦天尊金闕玉陛下仗此香雲遙伸上

奏香乃玉華散景九炁凝烟香雲密羅徑衝
九天當願侍香金童傳言玉女傳臣啓奏上
聞帝前令臣所啓感乞如言

具位臣某謹昧萬死輒貢愚衷仰觀天恩曲
垂玄聽臣久叨妙蔭幸奉法條爰領世詞遂

弘真典已於今月某日備錄奏聞為某宗
建無上黃籙大齋依按科條合頒符命已入

靖書篆次當取旨告宣今乞容臣告下元始
符命金籙白簡救苦真符破地獄真符拔幽

魂真符太上勅赦生天寶籙東極青宮救苦
九龍符命太乙玄冥混元神虎玉札過下十

方三界六洞九幽嶽瀆名山城隍社令應干
合屬去處開闢赦罪釋放係薦亡故某及十

類幽魂三塗苦爽悉離所部盡赴齋壇雷被
宸休以時昇度伏念符式則雲章鳳篆法容

假手於人然而令行乃道旨天音誓當請命
于帝恭望至仁廣度大造垂憐赦愚臣狂僭

之誅憫萬類沉冥之苦特降合干將吏按勅
宣行普告三界攸司依科遵奉臣即今敷告

拱俟頒恩臣干冒

天威無任待罪激切屏營之至謹言

高功存念如式道來於帝前捧符命行華
夏引至告符所先備香燭酒果供養如發
奏之儀道衆一員吟偈洒淨高功變神焚
符召將

靈寶大法司焚香關召十方飛天神王玄都
炎龍驛吏地道功曹使者九州社令神君神
虎何喬二將主魂七司玉女三部追魂張候
魏三使者監獄使者劉將軍聚魂功曹張將
軍盧將軍整魂對魂神將追魂大將軍將軍
陽耀陰靈召魂二使者本司所行法中追魂
攝魄合干官將吏兵黃泉萬里夫人當處土
地里域正神火急赴壇急急至存

舉修齋奉請神將吏兵降臨壇所齋官上香拜

獻茶 高功啓白或表白 宣白

初獻酒

伏以靈寶立升遷之典下元彰開度之儀紫
虛鬱秀以成文赤玉光芒而結篆萌於上境
爲安天鎮地之基降於人寰弘度死超生之
路祈天請命許以宣行關事數齋先當關告

本司先據入意除已騰詞列款進拜章文外
今望取旨告下元始符命金籙白簡救苦真
符破地獄真符按幽魂真符太上勅赦生天
寶籙東極青宮九龍符命太乙玄冥神虎混
元玉札遍詣十方三界九壘重陰十洞六天

泉臺夜府洞天福地嶽瀆靈司社令冥曹黃
泉萬里三元九府百二十曹掌錄魂魄之司
一切天牢地獄合屬去處開關赦罪釋對除
愆善召沉魂領露天賜今請官君將吏合屬
衆神遵元始上帝之教言守太上道君之律
令一如始青天中之約並從洞玄靈寶之規
火急奉行依時報應壇有常儀禮合爲陳齋
官投誠用伸初獻齋官上香拜 舉散花一音

亞獻酒

伏以齋功至重流大有於冥關道力無邊渙
洪恩於幽壤降玄都驛吏頒救苦真符勅飛
天神人下九龍符命以至太一玄冥之典傳
攝鬼之章神虎大將之靈受召魂之職昭昭
天憲敢不遵行赫赫神威所宜聽領雲駮已
降使騎來臨祭則有儀合陳亞獻齋官上香拜 舉散花

終獻酒

伏以神文秘篆可以策役萬靈靈寶瓊章由
是敷弘衆法既列齋修之式遂開濟度之門
白簡丹書遣炎龍而遍詣紫文玉劉命神虎
以專行律令昭於十洞九幽攝召盡乎三塗
五道悉資神力上闡天休况今壇壇已陳典
儀既肅合要亡魂而報應普召苦爽以來臨
事非可停禮分有式敬陳三酌少畢精誠前

白文

伏以九極靈章三天告命疾速宣布火急頒
行攝召魂靈立祈響應齋壇文檄謹用宣陳

宣闡牒狀

上來公文已行宣示衆神承領各詣冥司伏
以上帝垂科萬神聽令仰遵典格下救幽沉
拔度亡魂出離苦趣上極三界下及九幽分
野名山城隍里域校量罪福之所主領魂魄
之曹所至宣行依時攝現須神靈之佐助伴
道法以昭彰雲騎速馳立希報應錢馬給散
風火驛傳

投詞告齋

古者齋法崇嚴而事無繁瑣後世精誠不逮於古人而用漸增於舊典廣成先生科以投詞告齋在立幕之際請玄師之侍於師前序立先一人讀職狀訖齋官繼上香投詞之後即對玄師白齋意次則升壇宿於此蓋古人止於拜章未有發奏預告等事故於齋中受詞近者蔣氏立成儀則於靖室投詞高功升座次令一人讀詞然後下座結盟退詣齋次方行立幕請師仍於玄師前再依古科投詞頗成重複九中師授之格一遵廣成科法今於靖室高功正席立先僉定職榜齋官上香次則表白長跪致詞請法師升壇詞意乃謂法師已主領齋事奏告畢令大齋屆期請師升壇行齋而已不復作齋官懇請此乃正奏之後也便引高功出靖室旋行立幕序立於玄師前即依古式齋官自述齋意捧詞函投之高功致詞則謂崇建大齋已蒙錄奏上玄關中三界今當升壇宿啓請法師按科行事而已庶合事情免成煩瀆况未議

齋期未發預告法師主行之初已投詞預告正奏之後高功主領其事已達三界臨壇之時非投請師之狀乃繳青詞也九中所編實導師授非好為異或主行之士不能從此或者自隨時俗奉行可也各依本宗而已

高功齋官道衆名於靖室序立次法師上香居高功位正立表白宣職榜高功已下僉榜書名表白長跪致詞請高功行事具位充齋壇表白恭再拜上啓

伏聞亦書闡教黃籙垂文鎮地安天上可扶持於劫運寧家福國下能濟度於顯幽乃中乘之偉功實洞玄之妙旨儻非宿嘗善慶豈能立此殊因要須素靈靈機庶可弘茲真典恭惟

靈寶大法師某君先生道鍾神秀天俾清淵玉檢瓊符結蟠於曾次雲章鳳象飛走於筆端惟其德行之內潛是以感通之外應以今齋主勵志法衆盟心共修至上之良緣以廣無邊之巨福既蒙主領已荷關申今茲崇建

於瑤壇正當展揚於法事伏願畧摠素靈大闡靈風開幽顯之迷途作人天之矜式俯從衆請即整仙儀振舉條綱建陳壇席等等無任懇禱激切之至

高功答曰

伏聞洞玄之上法黃籙之冲科自簡寂先生標三洞之殊遂弘齋法迨清都張君考千古之式重董典章由世間漸有師承而教綱未至全備暨乎廣成先生歷探三乘之典籍旁稽四輔之源流著成黃籙之科文以崇洞玄之品格莫不逐事詮舉衆目條陳作萬代之範模為十方之依賴付於有道之士以弘無上之齋壇自古今稱為重事如某者山林晚學雲水孤蹤冒居法錄之班未習教科之奧勉從齋主之請輕主大緣姑遵師授之書僭當首職幸已聞奏不許退辭然尚冀齋主之始終益堅誠敬全仗壇官之調協同賜扶持庶俾齋醮之圓成廣流恩於萬類更冀過尤之消於逃譴責於三官拱聽仙音共敷齋事

次書齋狀或不不用隨例

舉四結願

願大道興行經法流演至心稽首

正真三寶

願今上皇帝聖壽無疆明濟二景至心稽首

正真三寶

願師事父母亡者生天見存安樂至心稽首

正真三寶

願一切含生免罹諸苦同證無為至心稽首

正真三寶

次舉

金闕化身天尊

儀引行
出端立

高功詣監壇神前祝白齋意請神監衛壇

席齋官上香拜高功不拜

監臨神前白文

具位茶焚香上白

監臨其神伏聞真科昭著齋法崇嚴三界欽承萬靈遵奉况今玄壇已肅羽蓋將臨所合振勵紀綱斥除妖異已嘗移牒輕屈神懸既辱俯從幸垂少駐惡徒異類毋使入壇穢氣塵氛悉令屏跡導千真而降駕盡六合以霑

恩齋事告終奏功遵賞尚祈留聽以就善緣
謹白

詣玄師幕序立高功齋官上香

請師舉

修齋奉請玄師降臨壇所

知壇舉

雲輿已降鶴駕來臨齋事周圍環當奉送

獻茶

齋官回身長跪捧詞函向高功投之高功

受詞置簡上長跪白齋意

告齋繳青詞狀式

鄉貫姓茶

右某先於今月某日具狀披投乞行開建

無上靈寶黃籙大齋追度亡過某人已蒙

騰奏上玄關申三界以今齋期既屆壇

席敷陳齋捧青詞須至再錄狀申

靈寶大法師某君先生伏乞告齋登壇依

式宣行謹狀

年月日姓茶狀

高功受詞跪白

具位臣姓某謹稽首再拜上啓

女中大法師恭望師慈由岳省錄臣聞上帝

慈愍沉淪遂弘開度之典聖師流傳科式乃

垂齋直之門萬法恢張三乘敷布善而能應

感而遂通不揆塵微爰乎悃悃臣先據某人

投詞入憲其已於某日錄奏三天金闕中牒

合屬真司及茲已屆齋期再據齋官某人投

詞乞行告齋登壇闡事伏念臣季世下材胎

生穢質久叨師廕獲參佩於天章謬列玄班

僭備負於法任知道愈遠豈諧通達於幽冥

寡過未能乃復浮沉於俗網修已尚謬接人

實難蓋以教在敷揚法當利濟臣雖微陋仰

依大道之至慈齋或可行實賴聖師之原庇

伏願騰誠九極流宥三塗客巨奉行願始終

之無障救其違式俾章奏之上聞齋事圓成

師恩罔極啓壇踐牘謹用陳聞伏白

玄慈俯垂炳鑒

宣牋

宣牋
契牋

向來踐牘謹以上聞伏乞玄慈特垂省覽流

光法席駐仗齋壇成就善功弘敷真履儻從

凡禱責何師恩臣與齋官無任祈恩激切之至

詣三官幕高功齋官上香拜

請三官

修齋行道奉請水官降臨壇所

修齋行道奉請地官降臨壇所

修齋行道奉請天官降臨壇所

知壇舉

雲輿已降天駕來臨齋事周圍還當奉送

獻茶 高功長跪告齋

具位臣恭頓首再拜上啓

天地水三官帝君臣聞肇混茫於五太分氣

象於三光宰制者百二十曹君臨乎二十七

府功過兼錄齋醮仰關敢瀆慈仁用陳誠切

臣先據某伏念臣行無片善誠乏寸長冒主

齋盟僭當壇職儻非靈庇難就殊功啓壇牋

文敢伸敷露

宣牋 宣關

上來牋牘已具披陳伏乞真慈特垂手鑒少
俾仙駕畧駐齋壇矜覆愚蒙圓成齋直庶顯

幽之共濟伴罪戾之咸消儻遂禱祈實由真
廕臣與齋官無任祈恩激切之至

詣三師幕高功齋官上香拜

請三師

修齋行道奉請度師降臨壇所

修齋行道奉請籍師降臨壇所

修齋行道奉請經師降臨壇所

知磬舉

雲輿已降鶴駕來臨齋事周圍還當奉送

獻茶 高功長跪告齋

具位臣恭謹頓首再拜上啓

靈寶經籍度三師真君臣聞玉策金書實高

真開於大教琅函彙及惟聖師肇於靈基接

引十方陶銘千古敢希洪造敬露丹衷臣先

據入意伏念臣久叨訓育素昧進修濫忝玄

班僭司冲教非假師尊之覆佑難期齋事之

圓成啓壇牋文敢伸敷露

宣牋 宣關

上來牋牘已罄敷宣伏乞師慈特垂省錄俯
臨壇壇少駐旌旄庇晚學以逃辜就善緣而

弘福願終齋直皆自息私臣與齋官無任懷
恩激切之至

詣五帝幕高功齋官上香拜

請五帝

修齋行道奉請青帝降臨壇所

修齋行道奉請赤帝降臨壇所

修齋行道奉請白帝降臨壇所

修齋行道奉請黑帝降臨壇所

修齋行道奉請黃帝降臨壇所

知磬舉

雲輿已降鸞駕來臨齋事周圍還當奉送

獻茶 高功長跪告齋

具位臣姓恭謹頓首再拜上啓

五方五帝臣聞太極凝真列五方而拱御梵

元分炁錄四序以司時三界功過之兼書十

方神人之並錄敢因齋禱上冒神嚴臣先據

入意伏念臣末學庸資叨承化育濫當壇職

恐冒修為匪稽甄陶曷能就事伏願暫迂仙

仗俯屆人寰大需慈恩廣恢弘宥鑒觀壇席
削其違謬之愆成就齋功拔彼沉冥之苦啓

壇成續敬用教陳

宣成 宣闕

上來成續備已敷陳伏乞聖慈特垂憫濟暫
迂駕駕由駐靈場矜宥愆辜敷弘福祉儻得
顯幽之俱利實由造化之深思臣與齋官無
任激切之至

詣天師幕高功齋官上香拜

請天師

修齋行道奉請天師降臨壇所

知磬舉

雲輿已降鶴駕來臨齋事周圍還當奉送

獻茶 高功長跪告齋

具位臣姓某謹頓首再拜上啓

三天扶教輔元大法師正一靜應真君伏聞
金書演妙洞神之教弘敷玉局流光正一之

風大闡立古今之典則開幽顯之津梁既結
齋盟實由主宰臣先據入意伏念臣法非練

達學未弘深輟藉玄恩冒當首職教科崇重
慮有隨於善緣師造慈憐願曲矜於齋悃啓

壇成續謹用教宣

宣成 宣闕

上來成續已登披陳伏乞師慈特垂監察暫
迂駕駕少駐雲縣成齋事於始終敷善功於
幽顯願消魔障實在悃懃臣與齋官無任祈
懇激切之至

詣監齋大法師幕高功齋官上香拜

請監齋

修齋行道奉請監齋降臨壇所

知磬舉

雲輿已降聖駕來臨齋事周圍還當奉送

獻茶 高功長跪告齋

具位臣姓某謹頓首再拜上啓

靈寶監齋大法師臣伏聞靈寶開闢洞玄御
運大弘濟度之格美開齋直之門教有司存
事闕典錄臣先據入意伏念臣資凡品下性

昧識昏僭棲真教之中謬列壇官之首欲俾
齋功之浩博實資師造之悃懃壇有戩文敢
伸教露

宣成 宣闕

上來成續已用宣陳伏乞師慈特垂炳鑒俯

臨壇席暫駐輪輿全善果以無魔廣齋功而
博泐儻如所禱實自真恩臣與齋官無任激
切之至

次少歇退入靖室或任引入道場所開啓
上清靈寶大法卷之十九